





阿彌陀佛

林永持

風塵文庫
文庫 19
F.222
56
早稲田大学図書館





終日為官事繁忙山河大地莫思量

阿彌陀佛

紅塵因心愛宜早別聽說貧衲往西方

烏寫禪師度白侍郎回心向善修行歸西
 借問緣何有此身。不離原氣與精神。
 我今識破生身理。一點靈光是娘親。
 昔日西天有二位。羅漢一名羅迦。一名提那。
 在西天百葉蓮池遊玩。不覺心思凡塵。二人
 即同就徃雲端。觀看浮世間榮華大地。甚是
 雅致。所作所為。無不稱心。二位說話。一刻之
 間。不覺思竦。彼世尊知之。即發二人下凡。投



胎出世。普勸東土賢愚衆生。回心向善。清淨修行。脫履歸西。若不肯皈依者。即是衆生輪迴滾滾。若肯回心皈依修善者。只得轉歸西天。受諸快樂。永無生滅。吾二人只得下凡。各從心願。提那曰。我要先享榮華。后修清淨。羅迦曰。我願作一人之下。萬人之上。二人從心願畢。羅迦曰。恐怕汝我二人。到了浮世地界。紅塵滾滾。財色纏身。思愛難捨。不肯離別。嬌

妻嫩妾。如何是好。提那曰。若還汝迷我度。我迷汝度。二人話畢之後。各自投胎。羅迦往福建邵武府。落在白員外家中。投胎出世。早登金榜。官拜侍郎。一名提那。往浙江省紹興府。李長者家中。投胎出世。一十三歲。得中解元。其人本性與衆人不同。雖然功名成就。他竟看作身外之物。眼前之花。不覺心中思念。為人在世。生從而來。死從何去。恐怕臨命終時。

墮在四生六道之類。難免生死輪迴之苦。

乃作偈曰。

榮華富貴滿世間。

算來名利不如閑。

籠雞有食湯鍋近。

野鶴無糧天地寬。

幻軀百年難保守。

輪迴六道易循環。

不如捨却歸山去。

一失人身萬劫難。

題畢棄了功名。即往五台山修行。性情偏執。最忌女人。但有婦人來山燒香拜佛。所走過

地下。就要剗去一層。用新土填過。所坐的櫬板。都要飽過吃的碗盞。都要打破不用。乃有大殊普賢菩薩。在雲端觀看此人執相修行。即邀了月裏嫦娥。西海龍女。化作一班凡女。美貌端嚴。就來到五台山燒香拜佛。左右兩廊。及一切房間。灶前各處。皆去遊玩。但廚內碗盞。盡皆揪出。挈來吃茶吃飯。枱櫬椅棹。俱以坐過。又與禪師說話。又並共攬同坐。提那

即時大怒。提那曰。汝這等女子。如此無禮。汝可要得麼。汝要與我同坐說話。纔要修五百年。得轉男身。可否。汝如何到此山上。穢污佛殿。還敢與我說話同坐。僧俗各別。修行之人。男女不得混雜。汝都是要得麼。衆女就說。汝言差矣。乃是乾坤有潤澤之配。陰陽有聚會之期。日月有朔望同宮。男女有配合婚姻。生男育女。是人間之大倫。天地有三才。為何獨

修之禮。就是上首古佛聖賢。皆有父母所生。乃是陰陽不生孤術。豈有獨生之人。汝這骷髏。從何而來。何人所養。何人所生。乃是人人皆在父母身上投胎。汝何雖這樣執相修行。乃是凡躰。既有僧俗男女分別。是故法性總一同。就被衆女說得啞口無言。四女扯住禪師鬚。關了一嘴。各自散去。當時禪師大怒。將刀割了口唇。却被鮮血流死。一點靈魂。飄舟到

岸。孤客回轉。天宮悉見世尊。低頭下拜。世尊曰。汝下凡塵。化了多少人緣。提那答曰。弟子下去凡塵。執性修行。並無一個人緣。望世尊開恩赦罪。世尊曰。既無人緣。當初發汝二人下凡。今日為何一人迴轉。不度他歸。只顧自身。不救他人。難登佛地。提那曰。此人在凡世。官拜侍郎。前呼後擁。出入轎馬。堆金積玉。嬌妻幼妾。享不盡榮華富貴。怎肯回心向善。修

行世尊曰。修行千日。用在一時。有朝龍華大會。講經說法。豈可少得一人麼。提那無奈。只得又下凡塵。走到五台山境鄉里。只尋到張家善女處投胎。此張媽媽坐在廳堂。忽見五台山和尚。走進吾媳婦房內。恐必其事。合家忙叫趕出。並無踪跡。張媽媽言。聞知五台山和尚昨日死了。今日一點靈魂。莫是走來吾媳婦腹內投胎也。未可得知。張媽媽曰。那個

執相修行的人。誰肯養他。當初吾去五台山
燒香拜佛。吃的碗盞。所走過地下。一切不用
最忌女人。我今何肯要他來投胎。提那聽得
此言。只得走過別家投胎。別家婦人亦是一
樣。不肯生養。提那想來無奈。一點靈魂。亦舊
回轉天宮見佛。世尊曰。你爲何去而復返。提
那跪下。哀告世尊。非是弟子去而復來。因此
當初執相修行。東土並無人緣。無處投胎。世
尊曰。你在東土數十餘年。豈無一個人緣。汝
再細思想否。提那曰。吾在浮世是無人緣。總
總只有早晚功課。出生施食飯粥。則有鳥雀
常來食之。只結了鳥緣。怎麼投胎。世尊曰。你
既結有鳥緣。只去渭水橋邊松樹頂上。鳥窩
中投胎。托化鳥頭人身。日長夜大。開口成章。
講經說法。能曉過去未來。善化衆生。改惡行
善。化愚作賢。因此名為鳥窩禪師。

乃作偈曰。

自坐松頭五丈高。六根俱足最堅牢。

清風明月為伴侶。無來無去任逍遙。

却說侍郎府中。有一位佳人在渭水橋邊經過。只見松樹頂上。有一位禪師講經說法。出口成章。佳人聽得句句是真言。字字是良語。即時拜師吃齋修行。禪師曰。汝府中有一位侍郎肯來皈依吃齋修行否。佳人答曰。我家

侍郎享不盡榮華富貴。又有四位夫人。十分美貌。難割難捨。怎肯食齋修行。除非禪師親自度他。或可依得。禪師憶思祖令。我今特來度他。等待郎誰來。不免化作一僧人親自到十字街頭等候。只見侍郎前呼後擁。喝道而來。禪師開言說。白侍郎。白侍郎。早晚禍福恐難當。捨了罷。捨了罷。免得貧僧再來化侍郎。一見聽聞。有這等異樣之話語。打動我心。不

免拉住問他凡句。乃作偈曰

何年何日離愛欲。几時戒斷酒和肉。
日間吃的那家飯。晚間還竊何處宿。
那家與汝為伴侶。何人與你為眷屬。
汝將甚麼為正宗。你将甚麼是邪欲。
我將八句來問汝。誰是天堂誰地獄。

禪師答曰。

無始年間離愛欲。隨母戒斷酒和肉。

日間吃的千家飯。夜間還歸空裏宿。
清風明月為伴侶。諸佛菩薩為眷屬。
三教竊一為正宗。念頭差錯是邪欲。
我將八句來問你。善是天堂惡地獄。

侍郎問。何為善。何為惡。禪師答。慈心戒殺為善。殺生害命為惡。萬惡婬為首。百行孝為先。又有四善。又有四惡。視善聽善。言善動善。此四善。天必降福。視惡聽惡。言惡動惡。此四惡。

天必降災。侍郎再問。何為十惡。禪師答曰。邪淫。偷盜。殺生。妄語。逞兇。唆訟。妬忌。驕傲。遊蕩。賭博。為十惡。侍郎又問。何為十善。禪師答曰。盡孝立心。積德忍耐。方便布施。放生勤儉。謙和安分。為十善。然之諸惡莫作。衆善奉行。龍天歡喜。降福臨門。若人深信。永劫無窮。侍郎曰。此句話。三歲孩童也會說。禪師答。三歲孩兒須會說。八十長者行不得。侍郎不解其意。打轎而行。禪師嘆曰。善哉善哉。非是我。不度他回宮。乃是侍郎少根原。只是昏迷不醒。懇切無奈。如何度他。不免化作一個乞丐樣人。前去擋路。看他如何。來到街頭跪下。稟上。

乃作偈曰。

一人做官八人抬。前呼後擁把道排。
威風凜凜冲牛斗。也是前生修得來。
今生做官前世修。纔得威風街上遊。

任汝縱有威風起。難免無常把筆勾。

侍郎一見前頭一乞丐者。擋住說此言語。其事。不免下轎。我來說他几句。作偈曰。

好個貧子叫長街。面皮黃瘦骨如柴。

眼目昏花難行步。髮長赤脚沒草鞋。

身上無衣真是苦。腹中飢餓受苦災。

前世未修今世苦。閻王留下罰招牌。

侍郎當時說偈畢。吩咐打轎而行。禪師曰。世

尊令我下凡度人。誰知不醒。昂然不動。古道

云。善化不足。惡化有餘。不免將身變化無常。

來去拏他。看他如何。侍郎睡到三更半夜。只

見無常鬼卒。站立床前。侍郎夢中大叫一聲。

你是何人。禪師答。我是無常。侍郎問。汝來何

事。無常曰。我來奉閻君之命。特來拏汝。

侍郎嚇得胆戰驚。哀告無常聽言因。

我把銀錢多送你。別方拏個替我身。

無常答曰。

我今聽說笑欣欣。那個要你金和銀。
閻王本是平等君。不要錢財只取命。
陰司若要錢和寶。貧者先亡富者存。
若還銀錢買得命。國王就有萬、春。
閻王註定三更死。定不留人到五更。

侍郎曰。

地府差來黑面鬼。

好個無常不順情。

半夜三更來取命。

總搖要我見閻君。

無常答曰。

我來催牌急如心。

不論國戚與皇親。

不怕英雄豪傑漢。

只怕吃齋修行人。

侍郎聽得。乃問無常我今肯皈依吃齋修行。
可免得生死麼。無常答曰。陽間怕惡。陰間怕
善。人人有個不死們。莫到老來發善心。這個
道路無人曉。汝去渭水橋邊。松樹頂上。求拜

明師指點心法。可免輪迴生死。侍郎問曰。我
今去拜他。可免得生死。等候天亮。我就即去
可否。無常曰。先有一和尚。來度汝。汝不信。昨
日有個乞丐之人。來度汝。你又不信。今日我
等惡鬼來捉拏你。汝還依不依。問你險不險。
侍郎當時。低頭不語。禪師乃作偈曰。
為官終日伴君王。伴君猶如虎伴羊。
五更三點朝天子。進朝耽憂出朝忙。

有朝一日龍心怒。頃刻一命見閻王。
見君不覓西來意。一失人身萬劫難。
刀筆為官數十年。含冤受屈几萬千。
一家飽煖千家怨。半世功名百世冤。
好個聰明白侍郎。文章萬卷腹內藏。
只貪紫袍金帶束。不愁生死與無常。
紫袍金帶風中燭。象簡烏紗日上霜。
會得個中真消息。十八地獄化天堂。

侍郎夢醒。暗中細想無常之言。句句說得有禮。字字無差。富貴功名俱是眼前花。有何益處。不免捨了紅福。丟下妻妾。圖個清靜。做了閑人。有何不可。乃作偈曰。

得休休處且休休。快把當年釣線收。
人貪財色遭利劍。魚貪香餌上金鉤。
陳平妙計身難守。韓信功勞不自由。
看破當年名利客。不如歸家早早修。

侍郎又想無常之言。這個衙理無人曉得。我就要速去。渭水橋邊。松樹頂上。求拜明師。可免生死輪迴。今朝吉日良辰。速即去看過真假。如何。即到橋頭觀看。果然是真。有個鳥頭人身。在此講經說法。鳥窩禪師出口說偈。
不求大道出迷途。縱負賢才豈丈天。
百歲光陰如火焰。一生聲勢水沍珠。
只貪富貴與榮華。那管形容暗焦枯。

我今識破恩愛鎖。回家孤身獨自眠。
禪師曰。侍郎現今汝既肯吃齋修行。要以遠
精進。五戒堅持。不敢反悔。乃是汝今回去家
中。但有四位夫人見汝回轉。說起修行之事。
他必竟會阻當。叫汝開葷。又還怪我貧僧。吾
今囑咐汝几句言語。傳於四位夫人知聞。
傳言多拜四夫人。且聽貧衲說原因。
孤夫寡女難成道。夫妻雙修出苦輪。

侍郎聽得心中歡喜。果然是有識高僧。吩咐
打轎再拜謝而行。回轉家中。四位夫人出來
迎接。排備酒饌。與老爺消愁解悶。夫君回來。
姐妹四人心。中歡喜。聞知老爺捨却紅塵。拋
離貞妻嫩妾。要去修行。現今富貴雙全。何不
稱心。有福不享。何須孤身獨眠。侍郎答曰。浮
世花間妙樂。常聽鼓瑟喧天。死後何曾有耳
聽聞。難免輪迴所萬千。夫人說老爺。汝今為

官。既有輪迴罪。四人替君共挑八百觔。侍郎
曰。我自作罪業。妻也替不得。自作自修。別人
分不得。我今要去修行。妻也留不得。

乃作偈曰。

家有黃金不是金。枕邊妻子不是親。

吹燈頭快俱不認。如何肯挑八百觔。

侍郎又曰。自作罪業自承當。曾計渭水橋邊
囑咐。歸家切莫學貓兒戴帽。是寔難解脫。夫

人說。老爺汝只要去修行。怎麼肯捨得。我姐
妹四人。金身玉體。

侍郎乃作偈曰。

金身玉體害人命。眼淚汪汪泡人湯。

甜言蜜語傷人藥。十指尖尖殺人鎗。

綾羅帳內真地獄。鴛鴦枕上刀山場。

雙手撥開生死路。翻身跳出鬼門關。

夫人曰。是故老爺。定必要去修行。汝妻妾四

臺北布太平町老四山番

影佛像神像

並及人形壽相

服書其書

銅書一切

佛

盧山軒商店

振替台灣四八二三番

人。使靠何人。侍郎曰。

臨別之時囑咐妻。

休搽紅粉與胭脂。

姐妹四人歸故土。

同心立志莫相欺。

人生似鳥同林宿。

無常相請各自飛。

慧劍割斷鴛鴦枕。

汝往東來我往西。

夫人聽說此言。曉得老爺一心要去修行了。吾自心中。子細思想。人生在世。如園中之草。花。風中之燭焰。不免隨老爺一同修行。有何

不可。我想當初梁武帝。捨江山。求拜志公。得成正果。制氏皇后。不信修行。毀謗佛法。墮落深山。做蟒蛇身。受苦無邊。目連母。劉氏青提娘。私開五葷。死後墮落。陰司地獄受苦。後來打落鄴都。不得超生。幸得親兒修行。再去救出。纔轉西天。正夫人作偈曰。

我今隨夫一同修。

鳳冠霞佩今日休。

竹釵布裙隨時過。

粗衣淡飯度春秋。

夫要修來妻要修。各人生死各人求。
三教聖人男人做。西天王母女人修。
次夫人在傍。聽說此言。心中歡喜。情願皈依。
一同修行。我心細想。當初雇居士。有金銀悉
沉滄海。靈昭女。賣筵篋度日。俱以一同修行。
得成佛道。乃作偈曰

鸞鳳金釵今日交。鴛鴦綉枕今日拋。
我今要學靈昭女。方顯奴家道德高。

夫也修來妻也修。西方妙意各人求。

十八羅漢男人做。普賢菩薩女人修。

三夫人在傍。聽說此言。暗思暗想。世間紅福
終有盡。不免隨夫一同修行。得受清福。長久
是好。侍郎曰。爾三把油頭。兩節衣。曉得怎麼
修行。夫人答曰。昔日有一王氏桂花女。七歲
吃齋。皆曉修行。後與母親出嫁丈夫。趙令方
為妻。終日宰殺猪羊度日。不過三年。苦勸丈

夫斷了屠情願皈依。夫妻雙修得成佛道。吾
今自行菩提路。乃作偈曰。

紅塵恩愛一旦丟。清心潔體信心修。

我今要學王氏女。勸夫雙修早迴頭。

夫也修來妻也修。無極大道各自求。

靈山古佛男人做。文殊菩薩女人修。

四夫人見一家大小。迴心向善都修行去了。
留我十人在此。冷冷淒淒。不覺心思痛切。想

來百歲光陰。三萬六千日。好似三更夢甦。一
旦空。不免合家皈依。一統吃齋。與夫君一同
修行。得箇長生不老。同生西方。千葉蓮臺。永
劫不壞。侍郎曰。爾青春年少。怎曉得。甚麼修
行。四夫人答曰。我現今。年紀雖小。到有冲天
之志。昔日上古。有位妙善公主。不招駙馬。不
願榮華。自己甘願受苦。香山修行後來修成
正果。至今永鎮南海普陀。金身妙體。吾今自

願修行。乃作偈曰。

十八嬌娥正青春。要學南海觀世音。

不願榮華求淨土。法身不染半點塵。

夫要修米妻要修。七寶金身自己修。

八洞神仙男人做。觀音菩薩女人修。

侍郎見一家大小俱已回心向善。一同吃齋修行。心中大喜。乃作偈曰。

一家大小俱回頭。多謝夫人解我愁。

九世相會聖相逢。前生修來今世修。

侍郎帶了四位夫人。一同到渭水橋邊。參拜烏窩禪師。求他開示。指點正法。精修大道。禪師心中大喜。乃作偈曰。

百葉蓮池一念差。脫却紫袈換袈裟。

迷則千山萬水隔。悟則回頭便到家。

禪師又曰。修道之人。須要自己。心中解脫。慈悲忍辱。方便為本。以遠精進。專持一句阿彌。

陀佛心不散亂。諸塵莫惹。常行如是。休內外
尋。不立文字之志。不求心外之法。單傳直指。
汝當諦聽。返本還原。回頭是岸。

偈云

天即心兮心即天。天心涵養樂無邊。
若得脫履歸西去。逍遙自在永無憊。

乃作偈曰。

自身交媾有陰陽。人人有個活金剛。

利刀斬斷恩愛鎖。輪迴路上躲閻王。
當時侍郎聽得禪師說得明明朗朗。俱是大
乘妙法真語。金口開示。一旦豁然貫通。迷盡
解釋。猶如盲人有眼。暗處有燈。果然是有識
高僧。承蒙開示。纔得醒悟。深恩難報。便叫夫
人。齊家一同求禱。拜謝禪師。向前慌忙扶起。
侍郎拜畢。回家棄官捨印。退棧故里。早晚虔
誠燒香念佛誦經。禮拜酬報四恩。端坐家堂。

夫婦雙修。同登彼岸。極樂安然。乃作偈曰。
離動守靜。終有淨。捨假從真。即是真。
誰知在欲心不欲。從今居塵自出塵。
真謂深山多自在。齊家原即是修行。
貞妻賢妾俱成道。夫妻雙修出苦輪。
多拜禪師真口傳。法身清淨廣無邊。
不是明師來度我。溺沉苦海幾萬年。
我在浮生呼吸間。眼觀紅日落西山。

嬌妻豪富空回首。一失人身萬劫難。
勤勞念佛八聖域。身潔七寶登蓮臺。
合家修行。今日脫體。西提那與侍郎。帶了
四位夫人。上徃天宮。恭拜世尊。仰佛歡喜。大
發三聲。曰。羅迦羅迦。汝當初下凡投胎出世
度人修行。如何自身。復被妖艷迷却心性。不
知修行。只貪財色。豈非想望。取愛男女。顏貌
笑容。歌唱妙樂。音聲迷失。不醒。不是提那。心

性知覺修行。捨却紅塵。離別妻兒。拋散家園。
棘山修煉。數十餘年。纔得澹性圓通。靈光出
現。變作無常。來捉拏汝。又變化烏窩禪師。來
講說因果。識破紅塵。豁開心性。纔得脫履西
躑。奏

佛封贈。高登九品。全坐蓮臺。乃作偈曰
生來死去不知因。古今塵埋多少人。
不遇明師親指點。怎得躑西見世尊。

宋仁宗皇帝脫履歸西讚嘆御製四首

和風吹綠柳桃李盡開花草也生芽木也生
芽歡糴上歡喜的嬪妃仕女荒郊外煩惱的
庶夫農家細思量歡喜的也由他煩惱的也
由他從今後廣施些食米多捨些飯茶靜念
些彌陀準備着自家嘆浮生有也是虛花無
也是虛花只願我早修到彌陀海會淨土蓮
池坐也是蓮華立也是蓮華

熏風吹翠竹萬物盡滋融蚕也方成麥也方
成高樓上快活的閑郎子弟路途中熬煎的
士農工商細思量快活的也成空熬煎的也
成空從今後廣積些陰騭多辦些前程勤念
些弥陀準備着臨行嘆浮生有也是虛名無
也是虛名只願我早修到弥陀海會淨土蓮
池坐也是縱橫立也是縱橫

金風吹金菊皎月正當圓花也皆殘果也皆

殘東壁廂絕聞的男婚女配西壁廂又聽的
鍍鼓喧天細思量現在的也徒然過去的也
徒然從今後廣行些方便多結些人緣急念
些弥陀準備着來年嘆浮生有也十不全無
也十不全只願我早修到弥陀海會淨土蓮
池坐也是安然立也是安然

朔風吹桂栢鵝毛雪片飛草也成梅木也成
梅這壁廂開闔的紅爐煖閣那壁廂冷淒的

草蓆藤衣細思量富貴的也是非貧窘的也
是非從今後廣持些齋戒多悟些禪機勤念
些彌陀準備着來催嘆浮生有也是傷悲無
也是傷悲只願我早修到彌陀海會淨土蓮
池朝也是光輝暮也是光輝

皆維

皇清光緒十五年春月成道日 佛弟子重刻

板藏鼓山湧泉寺

台北市

